



地

倭漢三才圖會

九十六

蔓草類



和漢三才圖會卷第九十八目錄

蔓草類

兔絲子

覆盆子

蔗

使君子

馬兜鈴

預知子

纏枝牡丹

五味子

樹莓

木鼈子

羅摩

牽牛子

鐵線草

蓬蘽

蛇莓

馬錢子

槎藤子

旋花

風車草



和漢三才圖會

蔓草類

卷九十八

目錄

紫葳

荼蘼花

繚絲花

王瓜

天門冬

葶藶

白薇

九仙子

牆藜

月季花

棣棠花

葛

百部根

菝葜

楮魁

黃藥子

佛見笑

玫瑰花

枯樓仁

黃環

何首烏

土茯苓

鵝抱

山豆根

解毒子

茜草

通脫木

白英

葎草

絡石

常春藤

玉蔓

白藥子

防己

釣藤

赤地利

羊桃

木蓮

千歲藥

鈴掛草

威靈仙

木通

雪下紅

紫萸

烏葍莓

地錦

忍冬

天仙藤

南藤

藤黃

項王草

粘魚鬚

野木瓜

錦荔枝

出于蔬菜

省藤

科藤

谷藤

留紅草

牛尾菜

水胡蘆

紫藤

羅生門

千里及

狗掉尾草

落花生

和漢三才圖會卷第九十六

攝陽

城醫法橋寺島良安

尚順編

蔓草類



免絲子

唐音

- 菟縷野狐絲
- 菟蘆金線草
- 菟藟火燄草
- 菟丘唐蒙
- 赤網玉女

本綱免絲子、田野荒園多有之、其子入地、初生有根如細絲、不能自起、及長得他草、梗則纏繞而生、其根自斷、無葉、有花白色、微紅、香亦薰人、結實如粃豆、而細、色黃、生干梗上尤佳。

子氣味 辛甘 平

益氣力、補不足、強陰、堅筋骨、養肌、久服、明。

目延年治男女虛冷得酒良薯蕷松脂
 苗甘平 治野粉刺紋汁塗之立瘡
 按菟絲子俗云根奈出於和州金剛山者佳丹波之產
 次之



五味子

莖藉玄及
 會及

和名法祿加豆良

本綱五味子皮肉甘酸核中辛苦都有鹹味而五味具故名之春初生苗引赤蔓於高木其長六七尺葉尖圓似杏葉三四月開黃白花類蓮花狀七月成實叢生莖端如豌豆許大生青熟紅紫有南北二種北產者色黑入滋補藥必用北產者乃良可取根種之當年就旺若二月種子次

年乃旺須以架引之

子酸微苦鹹味厚氣輕 陰中微陽入手足少陰血分 酸鹹入肝而補

腎辛苦入心而補肺甘入中宮益脾胃總收肺氣乃火熱必用之藥故治嗽以之為君但有外邪者不可驟用恐閉其邪氣必先發散而後用之乃良入補藥熟用入嗽藥生用

△按五味子朝鮮之產最良中華次之倭亦次之日本處處多有之而紀州田邊之產良藝州廣島及日向丹波之產次之其梗似甘草 浸水取粘汁塗髮甚佳俗呼名美軟石名義木詳



蓬蘽

覆盆 陵藟
 陰蘽 寒莓
 割田蔗

俗云豆留以契

本綱此類蔓草覆盆子。藤樹莓蛇莓。凡有五種時珍嘗親采以爾雅所列者較之始得其的諸家異說多皆未可信也蓋蓬蘽者蔓草繁衍莖有倒刺逐節生葉葉大如掌狀類小葵葉面青背白厚而有毛六七月開小白花就蒂結實三四十顆成簇生則青黃熟則紫黯微有黑毛狀如熟椹而扁冬月亦苗葉不凋子甘酸安五臟益精氣強志倍力久服輕身不老



覆盆子

蔓草西國草 缺盆畢楞伽 大麥莓挿田 煎烏燕菓子 和名以知古

本綱覆盆子蔓小於蓬蘽亦有鈎刺一枝五葉葉小而面背皆青光薄而無毛開白花四五月實成子亦小於蓬蘽而稀疎生則青黃熟則烏赤冬月苗葉凋

氣味甘平

安和五臟溫中補虛益氣力強陰健陽女子

食子有子

蓬蘽覆盆子二物功用大抵相近雖是二物其實一類而二種也一早熟一晚熟兼用無妨

蘆

一名蔣由蘆

蔣田蘆其蔓小於蓬蘽一枝三葉葉面青背淡白而微有毛開小白花四月實熟其色紅如櫻桃似覆盆而太赤味酸甜可食不藥入用覆盆子熟者烏赤色 蔣田蘆熟者紅色



樹莓

懸鈎子木莓 沿鈎子箭 山莓 俗云木以知古

本綱樹莓樹生高四五尺其莖白色有倒刺其葉有細齒青色無毛背淡青頗似櫻桃葉而狹長又似地棠花葉四月開小白花結實色紅與覆盆子一樣但色紅為異氣味酸平止渴除痰醒酒去酒毒

△按木莓似蒲萄葉而硬深青色莖無刺時珍言者小蛇莓之莖葉也



くろくわいりこ 蛇蘆 地莓
蠶莓

蛇莓

俗云及寒示波以知古

本綱蛇莓田野道旁有之就地引細蔓節節生根每枝三葉葉有齒刻四五月開小黃花五出結實鮮紅狀似覆盆而面與蒂則不同其根甚細其實不堪啖
莖葉根汁甘酸大寒有毒治傷寒大熱胸腹大熱不止通月經又孩兒口噤以汁灌之傳湯火傷痛即止俗傳食之能殺入心

△按蛇莓攝州處處多出之俗傳用蛇莓莖葉煎服治風痺或與忍冬同用治濕瘡癬疥也未知其處蓋有毒草多服豈得宜乎今人治便毒腫痛按葉丸如大豆三粒空心服多試皆有効



スウキニンツウ
使君子
留求子

本綱使君子原出嶺南交趾今閩蜀皆栽種之亦易生其藤如葛繞樹而上葉青如五加葉五月一簇一二十葩紅色輕盈如海棠其實長寸許五瓣合成有稜類卮子嫩時半黃老則紫黑其中仁長如榧子色味如栗久則油黑不可用此藥療小兒疾故名留求子
氣味甘温 治小兒百病五疳小使白濁瀉痢虛熱健脾

康胃氏殺蟲藥多是苦辛惟使君子梔子甘而殺蟲亦異
 也服之有忌飲熱茶犯之即瀉此物殺蟲小兒要藥也
 俗醫乃謂殺蟲至盡無以消食鄙俚之言也樹有蠹屋
 有蟻國有盜福耶禍耶修養者先去三尸可類推也
 △按原始曰使君子味甘即是肉然肉少難得今醫家
 或兼用也近來所渡者多無仁故皆用殼



木蟹
 木鼈子

本綱木鼈子今湖廣諸州皆有之蔓歲一枯但根不死春
 生苗作藤生葉有五極狀如山藥蒲葦葉青色面光四月
 生黃花六月結實似枯樓而極大生青熟紅黃色肉上有

軟刺每一實有核三四十枚其形扁礪礪大如圍碁子似
 鼈及蟹狀其仁青綠色
 氣味苦微甘治折傷消惡瘡生肌乳癰肛門腫痛痔瘡
 瘰癧腰痛及小兒疳疾倒睫拳毛等良
 ○倒睫拳毛因風入脾經致使風邪不住手擦日久赤爛
左患塞右鼻右患塞左鼻其毛
自分上下次服蟬蛻藥為妙



馬錢子
 火朱刻把都
 未知年者馬
 錢之唐音也

本綱馬錢子狀似馬之連錢故名之生回回國今邛州諸
 處皆有之蔓生夏開黃花七八月結實如枯樓生青熟赤
 亦如木鼈其核小於木鼈而色白能毒狗至死

氣味 苦寒

治傷寒熱病咽喉痺痛消痞塊

西番人言用馬錢治一百二十種病每證各有湯引又云以豆腐制過用之良

△按馬錢 治小兒諸蟲藥中入用為桑山氏秘方原異國傳來方乎本草必讀云用番木籠細切搗爛和飯吃殺禽獸以鐵屑少加之和飯則毒烈但不仁者所為耳



馬兜鈴

三百兩銀葉
都淋藤
土青木香根名
雲南根根名
獨行根同

本綱馬兜鈴諸州郡皆有之春生苗作蔓繞樹而生葉如山蒴葉而厚大背白六月開黃紫花頗類枸杞花七月結實如大棗狀似鈴作四五瓣葉脫時其實尚垂狀如馬頂之鈴故名之其根微有香氣似木香大如小指赤黃也改

呼為土青木香辛苦冷嶺南人用其根治蠱毒隱其名為三百兩銀藥

實微苦 辛寒入手太陰經清肺熱治欬嗽痰結喘促去革膜 取淨子又能治一切心痛不拘大小男女大馬兜鈴一箇燈上燒存性為末溫酒服立效
△按青木香重出下用之雜偽於木香又倭無馬兜鈴而蘿藤根似之故亦偽為青木香



蘿藤

實名雀瓢羅合子 羊婆奶 婆婆鐵線包

本綱蘿藤三月生苗蔓延離垣極易繁衍其根白軟其葉長而後大前尖根與莖葉斷之皆有白乳如構汁六七月

長而後大前尖根與莖葉斷之皆有白乳如構汁六七月

開小長花如鈴狀紫白色結實長二三寸大如馬兜鈴一頭尖其殼青軟中有白絨及漿霜后枯裂則子飛其子輕薄亦如兜鈴子商人取其絨作坐褥代綿甚輕詩云芄蘭之支童子佩觿觿音畦解角雖也此芄蘭之葉童子佩鞞音涉表弓指鞞也此葉子葉甘微主治虛勞補益精氣強陰道擣子傳金瘡生

一種莖葉及花皆似蘿藦但氣臭根紫結子圓大如豆生青熟赤為異此乃藤生女青也與蛇銜根之女青名同物異宜互效之

△按蘿藦俗云加莖有白汁名羊婆奶與沙參同名又有倭沙參則名致亦蘿藦之類也山草類詩今或取蘿藦根偽為青木香青木香是然此根未詳治何病其葉似旋花葉而畧大結實本大末窄青色內白有白絨如絲瓜絲子如柘榴子而小白味甘白絨枯飛狀似斑枝花



象豆 楸子
楸藤子

本綱楸藤子生廣南山林間作藤着樹如通草藤其實三羊方熟肉如弓袋子若雞卵其外紫黑色微尖大一二寸圓而扁人多剔去肉其殼用作藥瓢垂于腰間貯丹藥經年不壞仁滑甘

治諸藥毒五痔下血小兒脫肛血痢燒灰存性米飲服之



預知子
聖知子
盞合子
仙沼

本綱預知子諸州皆有之蔓生依大木上葉綠有三角面
 深背淺七八月有實作房生青熟深紅色每房有子五七
 枚如皂莢子斑褐色光潤如飛蛾今蜀人極貴重之亦難
 得相傳取子二枚綴衣領上遇有蠱毒則聞其有聲當預
 知之故以名之
 氣味苦寒 治諸毒殺蟲 研服治一切風補五勞七傷消
 宿食利小便催生治一切病 過三十粒永瘥也 其功不
 可備述



黑丑 白丑
 牽牛子 草金鈴 狗耳草
 和名阿佐加保

本綱此藥初出田野人牽牛謝藥故名之處處處有之二

種子三月生苗作藤蔓繞籬牆高者或二三丈七月生
 其花不作瓣如鼓子花而大但微赤帶碧色日出開日西
 萎八月結實外有白皮暴作毬每毬內有子四五枚大如
 蕎麥有三稜有黑白二種
 黑者 尤多蔓有白毛斷之有白汁葉有三尖如楓葉
 白者 多種之其蔓微紅無毛有柔刺斷之有濃汁葉團
 有斜尖其花小干黑牽牛花淺碧帶紅色
 子 苦寒 發 利大小便除虛腫落胎乃瀉氣之藥也不脹
 滿不大便秘者不可輕用 未去皮熱不用亦有半生半
 熟用者
 △按牽牛花寅卯辰三時為盛向日光則萎再不開而余
 蒼開花乃一莖數十花逐日開不經旬皆結實其花有
 深碧淺碧純白淺紅色四種而紅者希也
 一種有小牽牛花高三四寸未延蔓不倚架二葉而開花

故名二葉牽牛花亦小美也蓋此生瘠地不能長者也
 復種其子乃如之
 有朝顏晝顏夕顏之三品朝顏牽牛晝顏也夕顏朝顏也
 皆以其花盛時稱之




旋花

鼓子花。旋當
 花腸草。筋根
 天劍草。美州
 續筋根。

本綱旋花生于田野甚多難鋤艾治之又生其根寸截置
 土灌溉涉旬苗生逐節蔓延葉如波菜葉而小至秋開
 花如白牽牛之花而粉紅色不作瓣狀如軍中所吹鼓子故
 名之不結子其根白色大如筋
 一種千葉者色似粉紅牡丹謂纏枝牡丹

莖葉花根甜滑 益氣利小便久服續筋骨合金瘡

凡藤蔓之屬象人之筋所以多治筋病旋花根細如筋
 △按旋花盛于日午而且暮萎故俗對以牽牛花稱朝顏
 此名晝顏此留加保



纏枝牡丹

本綱纏枝牡丹即旋花之一種千葉而色粉紅似牡丹
 草本花詩譜云纏枝牡丹柔枝倚附而生花有牡丹熊度
 甚小纏縛小屏而開爛然亦有雅趣
 △按纏枝牡丹未見如此者有鐵線花者形狀稱似而花
 葉大異也



鐵線花 本名未詳

△按鐵線花二月苗生於宿根一椹三葉微似芍藥秧而小莖細韌甚勁故俗曰鐵線無蔓其葉乃倚架繁衍四月開花莖下有六葉抱莖亦一異也其花白色六瓣平開而藥圓紫色最艷美其藥綻則似綵天蠶絲為總其本有子採之八月種之
仁葉鐵線 外六瓣白色如常而內瓣亦白色千葉短細隨開藥青色外瓣既綻落則內藥開



風車草 小兒所翫之風車似此花形故名 本名未詳

△按風車草者鐵線草之類而葉不同花亦鐵線六瓣是乃八瓣也葉大於鐵線而無叉一枝三葉四五月開花單葉蒼碧色又有白花者有千葉者花綻藥亂形與鐵線之總同凡鐵線出葉於藥枝風車出葉於舊枝



紫葳 凌霄 陵時 女葳 芙蓉 武葳 瞿陵 鬼白 和名未加夜木 云農世字

本綱陵者多生山中人家園圃亦或栽之初蔓纏數尺得木而上即高數丈年久者藤大如杯春初生枝一枝數葉尖長有齒深青色自夏至秋開花一枝十餘朵大如牽牛花而頭開五瓣赭黃色有細點詩云有若之秋深更赤八月結莢如豆莢長三寸許其子輕薄如榆仁馬兜鈴仁其根長亦如兜鈴根狀其花不可近鼻聞傷腦花上露入目令人昏矇

花根甘酸莖葉苦帶手足厥陰經藥行血分能去血中伏

火故治產乳崩漏諸疾及血熱生風之證也

按陵者乃字世年延蔓于高樹生故民間辨



牆藤

薔薇 山棘
牛勒 刺花
牛棘
訓無波良
又呼字音
實名營實

本綱牆藤野生林塹間春抽嫩莢小兒掐去皮刺食之既長則成叢似蔓而莖硬多刺小葉尖薄有細齒牛喜食之四五月開花四出黃心有白色粉紅二者以白花者為良結子成簇而生如營星然故謂之營實和名無皮生青熟紅其核有白毛如金櫻子核人家栽玩者莖粗葉大延長數丈花亦厚大有白黃紅紫數色百葉八出六出者營實根結音能入陽明經除風熱濕熱生肌殺蟲故癰疽瘡癤古方常用

○小便失禁尿床者用薔薇根煮汁飲或為末酒服野生白花者更良

○口舌糜爛者用薔薇根煮濃汁溫含冷則吐冬用根皮夏用枝葉

凡口瘡日久延及胸中生瘡三年已上不瘥者皆效

南番有薔薇露云是此花之露水香馥異常

△按嫩蕪之蕪字當作蕪胡貢草萊心長也

如藥三材圖說 蔓草 卷九十九

寶相花

佛見笑

くろけんせう



本綱牆藤之花最大者名佛見笑其小者名木香皆香艷可人不入藥用

書譜云寶相花其花較薔薇象大而瓣塞心有紅粉色二種報字當作輒字

△按佛見笑俗名牡丹凌其實相花亦一物一名矣正月剪稍枝於陰處濕地則能活生最棘多而花艷美以譬之女人華嚴經云外面似菩薩內心如夜叉蓋佛見笑之名擬此矣凡有棘刺之草通稱無波良俗用茨字茨音慈蒺藜之別名

こやとさ 俗云古也平嶋

茶藤花




畫譜云其花大象色白而香千瓣枝梗多刺詩云開到茶藤花事盡為當春盡時開耳外有密色一種

△按茶藤花道成八殘所言亦同今名古夜乎岐者是乎其花白單瓣狀似花石榴之花

ちりるん 月月紅勝春

月季花

圓雪紅瘦春 俗云長春 勝春之說



本綱月季花人家多栽種之亦薔薇類也青莖長蔓硬刺

ユツリイハア

葉小於薔薇而花深紅千葉厚瓣逐月開放不結子
氣味甘溫 活血消腫治癰癤未破者

月季花頭 二錢 沉香 五錢 芫花 炒三錢 各碎剉入大鍋
魚腹中就以魚腸封固酒水 各一盞 煮熟食之即愈魚

須安糞水內遊死者方効 此是家傳方 活人多矣
△按月季花皆被之類揀之能活有單葉千葉大小數品



玫瑰花

俗云波末奈須

盡譜云色黃花稍小於紫玫瑰種紫玫瑰多不久者用入
漆亮之即斃種以分根則茂本肥多悴黃亦如之紫者乾
可作囊以糖霜同搗收藏謂之玫瑰醬各用俱可
△按玫瑰花薔薇之屬棘刺多四月開花單瓣有白有紫

並花最大又有赤紫而千瓣者其花稍小有香氣但黃
花者未見之



繅絲花

俗云 阿蘭陀棘

盡譜云繅絲花儼如玫瑰而色淺紫無香枝生刺針時至
煮繭花盡開放亦以根分



棣棠花

地棠花 御帶花 也末不木 金盃喜水 單山吹

導生八歲及草本花詩譜云棣棠花若金黃一葉一莖生

和漢三才圖會

高麗

卷之九

卷之九

甚延蔓春深與薔薇同開可助一色單葉者名金碗喜水
秘傳花鏡云椽棠花藤本叢生葉如茶葉多尖而小邊如
鋸齒三月開花金黃色圓若小球一葉一蕊但繁而不香
其枝比薔薇更弱心延蔓屏樹間與薔薇同架可助一色
春分剪嫩枝於肥地則活其本如在不生蟲咬

椽棠花其葉似櫻桃葉而長尖四月開花千瓣深黃
單葉者花大其色艷如山吹之黃金故名又有單葉白
花者不美橘諸兄公愛之山州并手里宅地多植之公
任鄉朗詠集用欵冬字者誤也欵冬即山慈也訓也未布个木
花陰乾能止血



果羸 瓜蒌
天瓜 黃瓜
地樓 澤姑

此係名非也
比左口字里

本綱桔樓仁三四月生花引藤蔓葉如甜瓜葉而窄作
有細毛七月開花似壺蘆花淺黃色結實在花下大如拳
生青而如瓜至九月熟赤黃色而如熟柿山家小兒亦食
其形有正圓者有銳而長者內有扁子大如絲瓜子殼色
褐仁色綠多脂作青氣炒乾搗爛水熬取油可點燈其根
直下生年久者長數尺皮黃肉白作粉潔白如雪故謂之
天花粉秋後掘者有粉夏月掘者無粉一名白藥又名瑞雪
桔樓仁甘寒潤肺燥能降上焦之火使痰氣下降治嗽
之要藥也且又能洗滌胸膈中垢膩鬱熱為治消渴之
神藥

桔樓根甘微苦酸微寒即天花粉治虛熱解煩渴能生津心中
枯涸者非此不能除消腫毒乳癰瘡疔箭瘻或針刺入
肉不出枯樓根搗乳汁不下枯樓根燒存性研末服
△按桔樓出於紀州者良豫州藝州並次之



王瓜

かすうの老鴉瓜。土瓜
馬胞瓜。鉤藤
赤雹子。野蘭
師姑草。公公薯
和名加良須
宇里

本綱王瓜生垣墻間三月生苗其蔓多鬚嫩時可茹葉圓如馬蹄而有尖面青背淡澁而不光六七月開五出小黃花成簇結子累累熟時有紅黃二色皮亦粗澁其殼徑寸長二寸許上微圓下尖長七八月熟殼中子如螳螂頭其根如枯樓根之小者澄粉甚白臍須深掘二三尺乃得正根作蔬食味如山藥月令云四月王瓜生即此也熟則鴉喜食之故名老鴉瓜

根苦寒有小毒能吐下人 治消渴瘀血月閉帶下乳汁不下止小便數不禁又能利大小便 小便不通者王瓜根湯汁入少水解之筒吹入下部大

便不通者吹入肛門內
黃疸變黑醫所不能治用王瓜根汁平且溫服一小升
午刻黃水當從小便出不出再服
△按王瓜葉似枯樓葉但無又缺有毛刺其實殼中子如玉章後書翰卷封人誤以為此與枯樓一物和名亦相混者非也蓋枯樓此佐古王瓜即老鴉瓜和名自明也



葛

割音 黃斤 雞齋 鹿藿
鹿食九草此其一也故名鹿藿
和名久須
加豆良須
カツ

本綱葛有野生有家種其蔓延長一二丈紫色取治可作絺綌其葉有三尖如楸葉而小面青背淡七月着花其花成穗纍纍相綴紅紫色其莢如小黃豆莢亦有毛其子綠

色扁扁如鹽梅子核生嚼腥氣其根外紫內白長者七八尺入土五六寸已上者名葛根以入土深者為佳今人多作粉食冬月取生葛搗爛入水中揉出粉澄成塊入沸湯中良久色如膠其體甚韌以蜜拌食韌音忍與韌同堅柔難斷葛根味甘辛平氣輕而上行浮而微降陽中陰也其用有四止渴一解酒二發散表邪三發瘡疹難出四陽明經藥兼入脾經治傷寒有葛根湯以其主大熱解故也若太陽初病未入陽明而頭痛者不可便服升麻葛根發之是反引邪氣入陽明為引賊破家凡痲痘已見紅點不可用升麻葛根湯恐表虛反增痲爛也中諸藥毒發狂煩悶吐下欲死者葛根煮汁服佳葛花甘平消酒同小豆花乾末酒服飲酒不醉也

△按葛蔓長者二三丈其葉韌薄微似于楮葉而面青背白至風則能翻恰如反掌婆娑而作聲故稱歌人葛葉

裏見磬人根其蔓青黑色有微毛強韌不可截斷木也綱目謂紫色者乃枯舊色也以堪縛器物葛根出於和州金剛山者良丹波次之葛粉吉野瀑葛為最上西國亦多有之春月取根搗爛漬水一宿以白塗為上其次灰白色者俗布野人充食渣如絲瓜皮以代薪凡此物葉及蔓至根其用居多為民利用



黃環

パアンクン

凌泉 大就
就葛 生芻
根韭
實名狼跋子
又名度殼

本綱黃環亦葛之類生山谷二月生苗正赤高二尺作藤生葉黃而圓端大經日葉有汁黃白其花紫色其子名狼跋子跋乃狼足此莢角亦似皂莢其根名黃環黃色從理如牽輻解

氣味苦寒有小毒

治鬼魅百邪痰嗽利小便消水腫



天門冬

蔓冬 顛刺 天棘 萬歲藤

和名須未呂久佐

本綱天門冬春生藤蔓大如銀股高至丈餘葉如荀香極尖細而疎滑有逆刺亦有澀而無刺者其葉如絲杉而細散夏生細白花又有黃色及紫色者秋結黑子在其根枝旁入伏後無花暗結子其根白或黃紫色大如手指圓實而長二三寸一科一二十枚同撮頗與百部根相類雖膠乾猶脂潤難搗必須曝於日中或火烘之氣味苦甘入手太陽足少陰經氣分藥也潤五臟補五勞七傷吐血治嗽消痰益滋腎全其母氣故清痰殊功○生地黃為天門冬之使車前為交門冬之使

之使若有君無使是獨行無功也服天門冬禁食鯉魚誤食中毒者并汁解之

△按天門冬出於豫州宇和島者佳藝州廣島者次之今漬沙糖食之故可有與鯉合食不可不知



百部

野夫門冬 婆娑草 和名保止豆良

本朝古者有之而今則無之

本綱百部是天門冬之類春生苗作藤蔓葉大而尖長頗似竹葉面青而光一種有細葉如荀香者其莖青肥嫩時可煮食其根近尺新時肥實但乾則虛瘦無脂潤根下一撮十五六枚黃白色其多者百十連屬如部伍故以名之百部根微天門冬之類故治肺病殺蟲如百蟲入耳

妙香皆忌鐵器煉蜜丸空心酒服一百丸

△按何首烏狀如小瓜有五路紋而有三四相連者今所
渡者多切片正黑不能辨其赤白此用黑豆蒸製者矣
倭稱何首烏者黃獨而非何首烏其黃獨出柔根髭多
其子如零餘子而畧大然則根葉子形狀甚異入藥宜
用唐何首烏也本草彙言曰何首烏固精斂氣截癰止
痢之藥也延年種子之說屬荒唐屢有服此而後至死
而人不識此藥之毒也蓋此言亦徧也何首烏乃薯蕷
之屬本有毒類然深山自然生歷數年雌雄夜交蔓
者謂有奇効則不擇雌雄老嫩而何有效况黃獨乎



草薺


赤節 百枝
竹木白菝蕒
和名土古名
野老 此二字
萑 延壽式用之
忍此和字矣

本綱草薺處處皆有之作蔓生苗葉俱青葉作三叉似山
薯又似綠豆葉花有黃紅白數種亦有無花結白子者根
黃白色多節三指許大又有根亦如山薯而體硬其苗列
蔓葉似蕎麥子三枝者
根苦平 足陽明厥陰經藥也 厥陰主筋屬風草薺之功
長于去風濕所以能治緩弱瘡痺遺瀉惡瘡諸病之屬
風濕者草薺菝蕒土茯苓三物形雖不同而主治之功
不相遠 根大黃柴胡前胡


△按草薺蔓葉頗似薯蕷開小白花結青子三枝其根類
老薑薯蕷之狀最肥者如甘藷而黃色有節多長鬚俗
以為野老以蝦為海老共充嘉祝之食品出於武陽者
肥大肉柔味苦甘相半煮之食甚佳也山中自然生者
肉瘠味甚苦呼曰鬼野老豫州今治藝州廣島多出草
薺可藥入用

草薺 黃獨 佛掌薯 薯蕷 之蔓葉相似難辨各圖于左


草薺



黃獨



佛掌薯



薯蕷



唐何首烏亦似

△按草薺葉小黃獨葉大相似而色淺潤橫文理鮮明佛手薯葉圓薯蕷葉長共色稍深不潤橫文理幽微薯蕷無橫文附采之處深入背




菝葜

ハツキイ

菝葜 金剛根 王瓜草 鐵莖肉 布名佐流止里 一云於保字波良 俗云患比臣伊波已 又云九節四節柴

本綱菝葜山野中甚多其莖似蔓而堅強植生有刺其葉團大狀如馬蹄光澤似柿葉秋開黃花結紅子其根甚硬有硬鬚如刺其葉煎飲酸澆或采其根葉入漆家用
 根甘酸溫性 足厥陰少陰藥治腰背寒痛風痺與草薺彷彿又治時疾瘟疫故元且所飲辟邪屠蘇酒中亦用
 △按菝葜和河二州山中多出之俗以為倭山飯來西國野人用葉包麥餅即四節五節贈酬之故名五節四節柴



土茯苓

トウホリン

仙遺糧 刺猪苓 冷飯團 土草薺 硬飯 菝葜餘糧 山猪糞 山地栗 俗云山歸來 又云加天草

本綱土茯苓生山谷蔓生如蕈莖有細點其葉不對狀頗類大竹葉而質厚滑如瑞香葉而長五六寸其根狀如菝葜而圓其大若雞鴨子連綴而生遠者離尺許近或數寸

本草綱目

卷九

卷九

二

其肉軟不生痰有赤白二種入藥用白者良昔人不知用此近時弘治正德間大明因楊梅瘡盛行自廣東人始率用輕粉藥取効毒留筋骨潰爛終身後人用此遂為要藥諸醫無從考證其性以草薺及菝葜與土茯苓相混其根苗迥然不同也蓋此亦草薺菝葜之類也

根甘淡 食之當穀不飢調中健行不睡健脾胃強筋骨去風濕止泄瀉治拘攣骨痛惡瘡解汞粉毒忌茶茗及鐵器△按土茯苓阿媽港之產為最上皮薄外色淺赤內白如朱粉然近等絕不來今以廣東者為上交趾東京並次之太寬為下但色白柔輕虛者良色赤堅重實者不可

凡楊梅瘡盛行也於今凡不過二百年市中好淫人交濁陰彼此傳染然焉古者罕識其治療而肢體拘攣終至眼鼻腐爛故如有患之者則不同器中其重者或棄於山野近來多服土茯苓用使病人自山歸來實良藥也其方有數品總名歸建方中得效驗者以為家秘凡

土茯苓為君若活木通杜仲黃連薏苡芎歸之輩為臣但服之有時瘡既出盡結痂將愈時宜用之永免癰疽之患如瘡未出盡時不可服之服藥間忌浴湯及以燻邊毒通上改耳耳凡瘡小如麻疹者一二箇月而結痂謂之四十日物稍重者曰八十日物瘡平圓如灸瘡緣隆或堆大如楊梅者即楊梅瘡唐俗云瘡不經半年不痂其間無雜病者必不服藥最忌補藥恐令瘡毒補住如年久餘毒留滯一處腐爛或為疔者宜用五寶丹方出萬病回春



白草 白根
兔核 崑崙
貓兒卵

和名夜未加々毛

本綱白菝二月生苗多在林中作蔓赤莖枝端有五葉其葉如小桑五月開花七月結實根如雞鴨卵而長三五枚

本草綱目卷之二十一 藥部 白菝

同一窠皮黑肉白惟治瘡方多用之故名首斂
一種 赤斂花實功用皆同但表裏俱赤爾
白斂根苦平 治癰疽發背瘰癧痔漏血刺刀箭瘡生肌
止痛生取根搗傳癰腫有効
△按白斂本朝古者有之今則無焉長而色白輕者為良
本草用斂字疑此傳寫誤矣斂音酣斂音廉欲也收也



赭魁

和名乃止木
既有倭名則本朝古者有之乎

本綱赭魁蔓生草木上葉似杜衡根膚黑肌赤形如魁謂
又似何首烏切破中有赤理如檳榔有汁赤如赭味甘治
心腹積聚聞人用入深青甌中云易上色或以深皮製靴



鵝抱

俗云末女古介

本綱鵝抱生山林中附石而生作蔓似大豆其根形似菘
蕈大者如三升器小者如拳二八月采根切片陰乾
氣味苦寒 治風熱上壅咽喉腫痛

△按鵝抱葉圓扁徑三分許裁之鹽鉢石傍則延蔓一面
蔽石如撒敷青豆其根最細小所謂如菘蕈者未覓




九仙子

キウセン
九仙子
仙女嬌

キリスエニツウ

本綱九仙子出均州太和山二月生苗蔓高六七尺莖細而光葉如烏柏葉而短扁不圓每葉極生子枝或一或二梟梟下至六七月開碎青黃色花隨即結實碎子叢簇如穀精草子狀其根連綴九枚大者如雞子小者如半夏白色氣味苦涼

治咽痛喉痺散血
以新汲水或醋磨汁含嚥甚良



黃藥子

大苦 不藥子
 赤藥紅藥子

本綱黃藥子原出嶺南今處處栽之以忠州萬州者為勝莖高二三尺柔而有節節有枝相當似藤非藤葉大如拳長三寸許其根長者尺許大者圍二三寸外褐內黃亦有

黃赤色者肉色頗似羊蹄根人皆擣其根入深藍甌中云易變色也

黃藥子根 苦平 涼血降火消癭凡吐衄不止者水煎服或與蒲黃等分為末掌中舐之又治馬心肺熱疾

さんづん 解毒 黃結


中藥

山豆根

サシテウケ



本綱山豆根以忠州萬州產為佳苗蔓如大豆葉青經冬不凋此物能解諸藥毒生廣南者如小槐高尺餘石鼠食其根故嶺南人捕其鼠取腸胃曝乾解毒根極苦言者誤 解咽喉腫毒妙



地木容
苦藥子

キヤイトツツタ

本綱解毒子戎州忠州出之蔓生葉青如杏葉而大厚硬
凌冬不凋無花實根黃白色外皮微粗褐纍纍相連圓大
根若大解蠱毒止蠱毒止煩熱辟瘴癘利喉閉及痰毒
治五臟邪氣清肺

藥實根

藥子 奴那疎樹子

本綱生通州渝州樹也葉似杏花紅白色子肉味酸去皮
中仁辛平研服治破血止痢消腫能療諸病然本草本經
誤載根字
△按解毒子用根得子名藥實根用子仁得根名



又別有
陳家白藥
甘家白藥
會列白藥
突厥白藥
其功畧同

白藥子

ベツヨツラ

本綱白藥子出於原州三月生苗葉似苦苣四月抽赤莖
長似壺盧蔓六月開白花八月結子亦名瓜蔓九月葉落
枝折采根用根皮黃色今嶺南江西亦有之江西出者葉
似烏柏子如綠豆至六月變成赤色治馬熱方用之
根辛温止吐衄血消痰止咳解毒治疔眼傳折傷金瘡



九蓋草 今俗云
宇豆保久佐
布那波良
右二和名古名
而非也

威靈仙

ライリンセン

根 本草必讀

三才圖會

今細威靈仙其生先于衆草方莖如銀股數葉相對初生
作蔓七月生花六出淺紫或碧白色作穗似黃臺子亦有
似菊花頭者實青色根稠密多鬚似穀每年朽敗每半旁
引年深轉茂一根叢鬚數百條長者二尺許初時黃黑色
乾則深黑

別有數種根鬚一樣但色或黃或白皆不可用
根微温 治痛風之要藥也在上下者皆宜服之其性好
走亦可橫行通十二經脉去衆風朝服暮效類名

商州有人病手足不遂不履地者數十年莫能療親屬
置之道旁以求救者遇一新羅僧見之吉日此疾一藥
可治但不知此土有否因爲之入山求索果得乃威靈
仙也使服之數日能步履其後山人知之遂傳其事性

△按威靈仙俗云九藝州豫州丹波及金剛山多出之初
生似蔓後立莖高二三尺莖細圓而如莞葉似虎尾草
大抵疎利久服恐損真氣氣弱者不可服之

而六七葉對生頗如車輪最長者九段許故名九蓋六月開
花人家栽者四月開花形亦似虎尾草及葳草花而作
穗碧色結實如雞冠實其根多鬚如芥根乾則黑色是
能合干上說惟所謂莖所圖花穗少異耳

或採藥人用徐長卿根充威靈仙可辨徐長卿根白色如
細辛詳見干山草



茜草

スイツボラ

- 菴藎 血見愁
- 地血 過山龍
- 茅蒐 漆絛草
- 牛蔓 和名何如稱

本細莖有東方而少不如西方多故爲西說文所謂人血
所化之說恐亦俗傳耳詩云茹蘆在阪者是也生山谷今
圃人亦作畦種蒔十二月生苗蔓延數尺方莖中空有筋
外有細刺數打一節每節五葉葉如烏藥葉而糙澀面青
背絨七八月開花結實如小椒大中有細子根紫赤色北

即今染絳者也

氣味微酸而帶鹹溫 手足厥陰血分之藥專干行血活血女子

經水不通以一兩煎酒服之一日即通甚効鐵氣

△按茜赤根也河州石川郡山田茜為上可以染絳近世用獲方木代茜

此防己

條防己



防己

わさくい

解離 石解

和名阿手加 豆良

本細防己莖如葛蔓延其根外白內黃如桔梗內有黑紋如車輻解者良但漢中出者破之文作車輻解黃實而香莖梗甚嫩苗葉小類牽牛折其莖一頭吹之氣從中貫如木通然他處者青白虛軟又有腥氣皮皺上有下定子名木防己此因漢物一曰漢木二防己即是根苗為名

治風用木防己治水用漢防己

蒙筮云漢防己即根破之紋作車輻解黃實馨香 木防己即苗皮皺上有下定子青白虛

氣味溫若辛 療風水要藥利大小便能瀉血中濕熱通其

滯塞大抵上焦濕熱者皆不可用下焦濕熱流入十二經致一陰不通者然後審而用之

△按防己有漢木二品而今自中華所渡者皆長六七寸切大者徑寸許黃色帶赤破之文作車輻解而甚香所謂漢防己也而別木防己者不來

倭之產長七八寸切大小如木通莖而青白色皮皺不香所謂木防己是也二物共苗莖而非根也明焉今藥肆以唐為漢防己以倭唯稱防己藝州廣島為上丹波之產短細為下蓋本草必讀所圖之瓜防己者未歟



木通

通草 萬年藤
附支 丁翁
子名 燕覆


モツトシ

本綱木通藤生蔓大如指其莖幹大者徑三寸一枝五葉類類石韋又似芍藥二葉相對夏秋開紫花亦有白花者結實如小木瓜食之甘美其枝謂之木通莖有細孔兩頭皆通含一頭吹之則氣出彼頭者良紫者皮厚味辛白者皮薄味淡木通甘淡手厥陰經包手足大陽膀胱之藥上能通心清肺治頭痛利九竅下能泄濕熱利小便通大腸治遍身拘痛利其小便也與琥珀同功無他藥可比者凡氣味與之同者茯苓澤瀉灯草猪苓琥珀瞿麥車前子之類皆可以滲濕利小便泄其滯氣也

△按木通自華所渡者有香氣佳倭之產出於丹波者良

藝兩者次之

根



通脫木

通草 離南

トントツモツ

本綱通脫木蔓生山側莖大者圍數寸高丈許大葉似荷而肥其莖空心中有瓢輕白可愛女人取以飾物今園圃亦有種蒔者或作蜜煎充果食之甘美氣味甘淡寒入太陰肺經引熱下降而利小便與燈心入陽明胃經通氣上達而下乳汁催生

△按通脫木者木通之屬而大者如燈心草莖中有白瓢本朝未曾有之蔓草也



鈎藤

甲藤

俗云有知止毛
波利

本綱鈎藤處處山中皆有之藤長八九尺或一二丈大如
 柎指其中空狀如葡萄藤長其莖間有刺若鈎鈎紫色瘰
 小兒不入餘方也以莖中空小人用致酒甕中盜取酒以
 氣吸之涓涓不斷
 氣味初微甘後微苦 古方多用皮后世多用鈎取其力銳爾年
 足厥陰藥足厥陰主風 小兒驚癇眩運皆肝風相火之
 病鈎藤通心包平肝木風靜火息則諸證自除
 一種有倒掛藤生深山有逆刺如懸鈎倒掛于樹葉火
 而長治產後諸疾結痛血上欲死煮汁服之
 △按鈎藤出於豐州中津者良藝州廣島者次之



雪下紅

草本花詩譜云其藤生子類珠大若芡實色紅如日
 下垂積雪盈影似更有致故名雪下紅



白英


白草

穀菜 白草
 白幕 排風
 子名鬼目
 和名保苗目之
 一云豆又美乃伊比祿
 今云鴨上戸

本綱白英蔓生正月生苗白色可食秋開小白花葉似玉
 似小長而五極子圓如龍葵子生青熟紫赤色
 根苗甘寒 補中益氣治消渴黃疸

子酸平 明目

△按白英葉似菊葉而柔大深叉七月開小白花五瓣抱子翻外有飛鳥之狀其子赤熟時鴨喜啄之故俗曰鴨上戶亦鴨鴉嗜之故曰鴨鴉然鴨鴉不如嗜蟻蚱



赤地利

赤薜荔 五葢 五毒草 蛇肉

山蒼向來 以之美加波 又云牛柴

本綱赤地利所在皆有春夏生苗作蔓繞草木上莖赤葉青似蒼莖葉七月開白花亦似蒼莖結實青色根若莖葉皮紫赤肉黃赤八月采根根苦平 治赤白痢赤白帶下癰疽惡瘡生肌肉

△按赤地利作蔓莖赤葉青似蒼莖葉長別貫莖小圓葉如輪夏開小白花結一子於小葉中熟碧色莖及

葉皆節節細刺其根如枯梗薜荔之輩所謂如接莖根倭方用赤地利蔓葉為折傷金瘡要藥此與薜荔接骨如膠故名石膠美加波者仁加波乃訛也一種有田蒼莖又云薜荔其葉畧似赤地利故以之偽

紫葛

和名衣比加豆良 蒲葍亦和名同



本綱紫葛生山谷中春生冬枯苗似葡萄長丈許根皮肉俱紫色其根六者徑二三寸但有二種此是藤生者

根皮甘苦 治癰腫惡瘡搗末醋和封之金瘡傷損生肌散血紫葛一二兩水三錢煎一盞半分二服酒前亦妙

△按紫葛葉似蒲葍而不結子又一種有野蒲葍者出牙疏果類下

本草三才圖會

卷之六

紫葛

紫葛



猪殃殃

葎

葎草

勒草 葛勒草
求莓草

和名毛久良
俗云無久良
毛與無通

本綱葎生故墟道旁二月生苗莖有細刺葉對節生一葉五尖微似蓖麻而白細齒入九月開細紫花成簇結子狀如黃麻子夏米莖葉曝乾用

氣味甘苦 主瘀血 止精益氣利小便治五淋治久痢成疳入肛門中

猪殃殃

救荒本草云猪殃殃生山野道傍猪食之則病故名之人春時采莖葉煮熟食之
△按種根人良者多而葎草少者之猪殃殃多又有葎草

生水溝傍見于濕草部



羊桃

鬼桃 羊
長楚 銚芑
細子

倭名伊良々佐

本綱羊桃生山林及田野莖大如指似樹而弱如蔓春長嫩條柔軟葉大如掌上綠下白有毛狀似苧麻而團其餘浸水有涎滑花紫赤色似桃花子細如棗核其根似牡丹近下根刀切其皮着熱灰中脫之可韜筆管其子苦不堪食詩云隰有萋楚者卽是也
莖根 苦寒
利小便又煮汁洗風痒及諸瘡腫極効



烏葍莓

拔音五葉菜
龍草 龍葛
赤葛 五瓜
赤發藤
俗云一正木

本綱烏葍堪壘間多其藤柔而有枝一枝一鬚凡五葉葉長而先有疎齒而青背淡如白葍葉故名烏葍七八月結苞成簇青白色花大如粟黃色四出結實大如龍葵子生青熟紫內有細子其根白色大者如指長一二尺藹之多滌瀉氣味酸苦寒治癰瘡及蟲咬藹根傳之




絡石

石鱗 懸石
耐冬 雲花
雲丹 雲英
石血 雲珠
石龍藤

本綱絡石生陰濕處冬夏常青其蔓折之有白汁其莖蔓延遠樹石側莖節着處即生根鬚包絡石旁其葉小干指頭厚實木強回青背淡濇而不光有尖葉圓葉二種若在石間者葉細厚而圓短遠樹生者葉大而薄人家亦種之為飾

莖葉甘微酸神農列之上品治筋骨關節風熱癰腫不延年通神又刀斧傷瘡傳之立瘥杜仲牡丹為之使畏貝母昌蒲

今醫家鮮知用者豈以其近賤而忽之耶
△按絡石和石俗云定家葛相傳黃門定家卿之古墳石生因名之葉似藪柑葉而無刻齒無花實又蔓白汁無



木蓮

辟荔 木饅頭
鬼饅頭

木蓮三材圖繪
卷之六

本細木蓮延樹上生四時不凋厚葉堅強大干絡石不花而實其實大如盃微似蓮蓬而稍長正如無花果之生者六七月實內空而紅八月後則滿腹細子大如赤子一子一鬚其味微澆其殼虛輕烏鳥童兒皆食之葉酸平治背癱乾末服之即愈又治血淋痛澆子甘澆下乳止血治腸風下血治一切癰疽初起不問發於何處用木蓮四十九個指去毛研細酒解開溫服功與忍冬草相上下



地錦

別石草類有地錦草類不同

本綱地錦生林下葉如鴨掌藤蔓着地節處有根亦綠樹石冬月不死氣味甘溫治產後血結及赤白帶下或有塊不能飲食者並煎服



常春藤

龍鱗薜荔土鼓藤

本綱常春藤生林薄間作蔓繞草木上其葉頭尖結實正圓熟時如珠碧色小兒取其藤於地打作鼓聲故名土鼓莖葉苦子甘溫癰疽初起取莖葉下搗研汁和酒服利下惡物去其根本



千歲菓

菓蕪 倭名何末 豆良 俗云甜料

本草綱目卷之九十六 地錦 常春藤 千歲菓

本綱千歲菓蔓蔓上葉如葡萄而小四片摘其莖汁白而味甘五月開花七月結實八月采子青黑微赤冬惟濕葉春夏間取汁用
 葉甘平 補五臟益氣續筋骨長肌肉久服不飢通神明
 △按千歲菓代茶煮吃味甚甘故俗名甜茶如小兒多吃則發蟲
 一種樹生之甘茶葉似荻而深綠色似茶而嫩味甚甘出於山州宇治由原



忍冬

金銀藤老初
 鴛鴦藤 鴛鴦藤
 左纏藤 通虛莖草
 金釵股 蜜桐藤
 和名須比加豆良

本綱忍冬附樹延蔓莖微紫色對節生葉葉似薛荔而青

有濇毛三四月開花長寸許一蒂兩花二瓣一大一小如半邊狀長葉花初開者葉瓣俱色白經二三日則色變黃新舊相參黃白相映故呼金銀藤氣甚芬芳其藤左纏凌冬不凋故有忍冬左纏等之名今以莖葉為忍冬以花為金銀花
 忍冬甘小寒 煮汁釀酒飲補虛療風益壽可常采服而仙

經少用凡易得之草人多不肯為之更未難得者貴者賤近庸人之情也昔人稱其治風除脹解刺為要藥而後世不復知用後世稱其消腫散毒治瘡為要藥而昔人並味言及乃知古今之理萬變不同未可一轍論也
 莖葉及花 功用皆同

忍冬酒

用葉入沙盆研爛入生餅酒少許稀稠得所塗于四圍中留一口洩氣其藤只用五兩木槌槌損犯鐵太甘草節生用一兩同入瓶內以水二盞文武火慢煎至一

益入無灰酒一大盆再煎十數沸去滓分為三服一日
 一夜喫盡病勢重者一至大小腸通利則藥力到能治
 癰疽發背不問發在何處發背發頤或頭或頂或服之
 俟其疽破仍以神異膏貼之其効甚妙
 △按忍冬處處皆有之攝州之產良其忍冬酒紀州羽山
 源上丁昂大夫之製得名但欲為藥用者若本草製而可
 矣



玉蔓

△按玉蔓其蔓引地葉似忍冬葉而厚春開小花色青綠
 可愛



鈴掛草

△按鈴掛草引蔓其葉似櫻而圓小夏秋葉間著花紫色
 而圓畧似千日紅之花




天仙藤

本綱天仙藤生浙江山中春生苗蔓作藤葉似葛葉圓而
 小有白毛四時不凋根有鬚夏月采取根苗南人多用之
 氣味苦溫 同麻黃治傷寒發汗同大黃墮胎得安胎藥

本草綱目卷之六 藤類 天仙藤 卷之六 藤類 天仙藤


治子癰症又治婦人水腫始自兩定漸至喘悶似水足
有風氣或衝任有血風不可作水病按
湯藥宜天仙藤散主之詳干婦人良方
 △按天仙藤本草無開花之說然三才圖會所圖者有花



南藤

風藤 石南藤
 丁父 丁公藤
 丁公寄
俗云風藤蔓

本細南藤諸大山有之細藤圓臍紫綠色一節一葉葉深
 綠色似杏葉而微短厚其莖貼樹處有小葉瘤疣中有小
 孔四時不凋莖葉皆臭而極辣白花蛇食其葉
氣味辛温 治金瘡痛去風邪強腰脚除痺
 △按南藤能治諸風故有風藤之名乎今痿痺癱瘓人用
 為洗藥症後手足腫痛者用
風藤煎汁頻洗有妙



省藤

赤藤 紅藤
俗云登字
 此呼藤一字
音為名

本桐省藤生南方深山皮赤大如指堪縛物片片自解也
或織草履
氣味苦平 治蛇蟲通五淋煮粥飼狗去癩

科藤

明張燮東西洋考云科藤蔓抽被地無枝葉有皮裹其
 外如竹皮剥之則落長數丈不值剪伐可繚繞數國
 齊民要術云科藤圍數寸重於竹可以代篾以縛船及
 以為席勝竹也
 △按省藤科藤然一物矣凡如柬埔寨六泥六甲暹羅

知葉三才圖會

本草綱目

卷之六

咬嚼也。番且南。出藤及藤庭。今所來藤皆無外皮。黃白色。滑堅大如箭竹。縱破之。甜白肉。以縛卷器物。其用最多。今用其白肉入淋病藥中。

招豆藤



紫藤

和名布知。此用藤一字訓為名。

ソウテイシ

本綱紫藤藤皮着樹。從心重重有皮。四月生紫花。可愛。長安人亦種。飾庭也。其子作角。角中仁。熬香着酒中。令酒不敗。敗酒中用之。亦正。其花按砵拭酒。醋白腐。糜氣味有甘微温。煎如糖服下。水瘰癧。瘰癧即心病也。

△按紫藤花。象二二尺。纏樹。並架。最艷美。攝州野田。藤得其名。蓋冬月酒糟汁。及米泔汁。灌根。則茂盛。

又有白藤。蔓葉皆無。其唯花白耳。凡種藤花。於水最易萎。灌酒於其本。蔓則歷時不凋。

沙黃 臘黃



藤黃

俗云喜和字

本綱藤黃出岳州鄂州諸山。崖樹名海藤。花有蕊。散落石上。彼人收之。謂之沙黃。就樹采者。輕妙。謂之臘黃。此與石

無異。畫家及丹竈家時用之。又真臘國有畫黃。乃樹脂。彼人以刀斫樹枝。滴下次年收之。不知即石。與一物否也。今畫家所用藤黃。皆經煎煉。成者。紙之麻人。

△按藤黃。今畫家漆工。以塗黃色。又堂塔塗椽。皆是也。

本草綱目卷之六 蔓草 俗稱木字

谷藤



按谷藤蔓草也葉似小梅葉而團三月葉間開花似紫藤花
一種有岩藤即此荒花也詳千王蔓草類

俗稱木字

羅生門



按羅生門蔓草也葉似胡麻葉而短三月葉間開小花
淡青 俗云 細色

俗稱木字

頂王草



按頂王草葉似贊波丁子葉開單黃花結小莢宿根不生
當羊下種即開花自四月至十月有花贊波丁子出於濕草

俗稱木字

留紅草



按留紅草細莖韌葉細密如杉藻而表裏淺青色莖節
出蔓八月枝又抽短莖開花形如丁子樣而紅色長
七分可愛花罷結莢中有細子

本草綱目卷之六 蔓草 俗稱木字



千里及

本綱千里及生天台山又筠州有生淺山及路旁葉似菊而長背有毛枝幹圓而青春生苗秋有黃花不結實采莖葉入服藥



粘魚鬚

農政全書云粘魚鬚生山野中初先發葉其後延蔓生莖發葉每葉間皆分出一小又及出一絲蔓葉似土茜葉而

大又似金剛刺葉而光澤味甘



牛尾菜

全云牛尾菜生山野間苗高二三尺葉似粘魚鬚葉葉間分生叉枝及出一細絲蔓又似金剛刺葉而小紋脈皆豎莖葉稍間開白花結子黑色其葉甘採嫩葉燻熱水浸淘淨油鹽調食



狗掉尾草

本草綱目

卷之

卷之

卷之

農政全書云狗掉尾苗生山中苗長二三尺拖蔓而生莖
 方色青其葉似歪頭菜葉稍大而尖繭色深綠紋脈微多
 稍間開五瓣小白花黃心衆花攢開其形如穗
 葉微酸採嫩葉煤熟去酸味油鹽調食



野木瓜

八月櫃并瓜

農政全書云野木瓜生山野中蔓延而生妥附草木上葉
 似黑豆葉微小光澤四五葉攢生一處結瓜如肥皂大味
 甜熟者可摘食

野木瓜

八月櫃

水胡蘆

農政全書云水胡蘆生水邊就地拖蔓而生每節間開四
 葉而葉如指頂大其葉尖上皆作三叉味甘採嫩枝連葉
 煤油鹽調食



八月櫃

落花生

番豆 土露子
 滴水生
 長主果



農政全書云落花生藤蔓莖葉似扁豆開花落地一花就

口史卷之二十一 落花生 三十九終

地結一果其形與香蕈相似亦二月內種之喜松土用隔
年肥灰壅宜栽背陰處秋盡冬初取之煮食味甚甘美人
所珍貴若未經霜則苦難入口

△按落花生近年來于長崎形似蠶豆而畧斜歪大寸余
皮灰白色文理堆熬剝皮中有三四子褐色形味共似
胡桃海松子等香美試雖數百粒種難生

木質蠶

製成蠶繭身

製成蠶繭身
製成蠶繭身
製成蠶繭身

七十九三